

Damit ist erstatt vnnd guettgemacht obbestandner Resst der

86840 fl. 4 kr. 2 hl.<sup>247</sup>

Johann Spizwegg, Preuwerw.  
M. Zindl, Gegenschr.

[fol. 193r]

## *Inuentarium*

*dies Curfürstlichen Preuambts Kelhaimb*

Ein- vnnd Zuegehörungen an Gepeüen, Preuheüser, Mühlen, Hofstötten, Holzwachsen vnnd andern, waß dann disem Preuwerch anhengig, ordenlich beschriben alß volgt

### *Grundtstückh*

Erstlichen daß Hoche Gepey vnnd Preuhauß, zu welchem 3 vnnderschiedliche Behausungen, alß daß Nothafftisch, dann Georgen Hauners vnnd Casparn Peyrl, Kueffers, erhandlet, alle zusamb gebrochen vnnd wie vor Augen zu einem Preuhauß gericht worden

Hierzue gehört auch ein kleines Wißfleckhl im Niderndorf zwischen der Altmühl bey der Stattmühlschlacht vnnd des Preuwerwalters Gartten, ist vom Wasser vast hingerissn, sonst eines Preuwerwalters Ambtsnuzung

[fol. 193v]

Die Ambtsbehausung am Plaz, darinenn ein Preuwerwalter wohnet, zwischen Wolfen Kröpfels Hauß vnnd dem Cammergässl am Öckh ligendt

Die Hofstatt von des Rämb, Haffners, Erben erkaufft worden, zwischen dem Preu- vnnd Curfürstlichen Kueffhauß inligennd, daryber die Einfarth zu dem hohen Casstenzug gehet

---

<sup>247</sup> Wie oben, S. 195, Anm. 245.